

Եւ ի ժամուս Եղիազար վարդապետն ի Ղալաթա եկաւ և անտի երեկոյիս ի Աստուածածին: Եւ երեկոյիս ի Սուրբ Նիկողոս գնացի և քարոզ ասաց Սալապատուր վարդապետն ըստ խորհրդի աւուրն, և ի մէջ քարոզին յիշատակեաց զեղեալ չարիսն վասն Եղիազարին, որ արարին ոմանք, և վասն գալթակղզութեան աշխարհիս, որ արք ոմանք գնացեալ Ֆոանկաց հաւանեալ:

Կիրակի օր (25 Մայիս) Պենտակոստ եւ Գալուստ Հոգոյն Սրբոյ: Ի Սուրբ Նիկողոս գնացի, և յետ անգաստանին ի Սուրբ Աստուածածին գնացի, և Մարտիրոս վարդապետն քարոզ ասաց և դաս քաշեց ըլլաֆոանկան և զհաւանողսն նորին: Եւ Տէրտէրն իմ կարգաց զթուղթ Եղիազար վարդապետին որ տվեալ էր վասն Սալապատուր եպիսկոպոսին՝ վասն ողորմութեան, և յետ այնորիկ ծանոյց թէ Ահա՛ նորընծայ երէց կու ելնէ, երթաք զԱւետարանն համբուրէք եւ զընծայն տաք: Եւ յետ բանիցս ըսկսան ասել զՈղորմեան, և Եղիազար վարդապետն ի խուցն էր և պատարագին եկաւ: Եւ ես գնացի ի մեր ժամն առնել զաջահամբուրքն, և կրկին ժամանեալ ի Սուրբ Աստուածածին և զՍուրբ Աստուած պատարագին ասէին և պատարագօղն Տէր Ոհանի որդի Տէր Գրիգորն էր: Եւ յետ արձակմանն նոյն զգեստով՝ պատարագին, զպրովք եւ երկցովք, շարականաւ առեալ տարաք ընդ Մարտիրոս վարդապետին ի տուն. և ասաց ի մէջ արանցն եկեղից զՊահպանիչն և գնաց ի ժամ, և մեք տարաք ևս շարականաւ ի ներս ի մէջ կանանցն, և եկեալ համբուրեցին զԱւետարանն եւ ետուն զաջահամբուրն, նոյնպէս և ի մէջ արանցն և նոքա ետուն զընծայն, և նստան ամենեքեան: Եւ ես գնացի ի քով Վարդա-

1) սգեստով.